

Chanson an Diaoul Ar'chantet.

45

824 B/2

Da viret na stacac'h ho calon
Re oc'h an arc'hant, Bretonnet,
Clévit eur chanson composit,
Troet a c'hallec e brezonnec,
Grêt var sujet eul loen arc'hantet
Deguiset e form an drouc-speret
Hac o sonjal attrap an arc'hant,
Nombr a dud a yeas da redeg.

Bez e oa eus a bep seurt micher
Hac eus a bep condition
O redec an Diaoul arc'hantet,
Ma vennent terri o c'halon,
A bep etad, nobl ha partald,
Bourc'hisien, paysantet, hac a bep stad,
Hac ezeac'h, graguez ha plac'het,
A rede da glasq e attrap.

Ur chirugien, un apotiqer,
Ur medecin, un avocat,
Un noter hac un procurer,
D'e redeg a daol o dillad,
Hac ur greffier hac un hucher,
Ur serjant, ur recor hac un archer
A yea varlerc'h an Diaoul arc'hantet,
Ur pifrer hac un tambouriner.

Ur grossier, ur mercer, ur c'haner
A abandonnas ho boutiquo,
Evit sonjal attrap an arc'hant,
Da vont da redeg dre ar ruyou;
Ur c'hontreporter, ur c'hincailler;
Ur sculpter, ur broder hac ur pinter
A voe varlerc'h an Diaoul arc'hantet
Dre guement corn a voa en qér.

Ur marc'hadour lien'hac un drapier,
Ur c'halvez hac un munuzer,
Ur poder sten hac un ofreber,
Ur c'hoataer hac ur chodronier,
Ur fourbisser hac ur guidaer,
Ur brider, un diher hac ur barbier
A red, o sonjal e drouc'ha,
Emezan, gant e razouer.

Ur marechal har ur labourer,
Ur tosser hac un armurier,
Ur c'hiviger hac ur boutaouer,
Hac ur piqer hac un toer,
Ur piqer-men hac un tacher,
Ur marc'hadour a bep seurt liqer,
Ur martolot hac un maltoutier,
A yé var e lerc'h hac ur c'hoarier.

Ur frippier hac ur frippieres,
Ur varc'hadoures a besquet,
Ur marc'hadour soa, ur goulaouyer,
A yas oll dre guér o redec.
Ur laonvier hac ur c'honteller,
Un operatour hac ur mestr danser,
Ur filouter neud eo ar goassa,
Oc'h e redec partout dre guér.

Ur jardiner hac ur maçonner,
Ha marc'hadour a bodou pri,
Ar boulanger mar guell e attrap,
El laquay er forn da zévi,
Ur c'herecour, ur c'hemener,
Ur pastessier hac un traier,
A red varlerc'h e clasq e hac'ha,
E ziousquel a so re lijer.

Ur varc'hadoures a oranjes,
Prun, résin hac a figes,
Hac un all a verze avalou,
Hac un all a verze crampoez,
Ur e'honfiteur, ur sucrier,
Ur perruquener hac un oublier,
Ur miliner mar guell e disout.
A lavar a rei e valeur.

Ur boneder hac ive ur gorer,
Hac ur lemmer ar c'hontellou,
An ini a ampoeson ar razet,
Ar rincer ar chiminalou,
Marc'hadour an allumetez
A rede dre ar foul evit nep pres,
Gant un eteo tan hac ur paqad,
O sonjal dévi e vraguez.

Ur c'higer hac ive un tavernier,
Ur pesqetaer, ur passager,
Ur paperer hac ur pillaouer,
Hac ur furic hac ur spazer,
Ur violancer, ur biniouaer,
Ur flutter hac ur bombarder,
A voe koz n'ellent get e baqa;
Re a reont o son dre guér.

Achab a eure an Diaoul arc'hant
Eus a guér da vont var ar meaz,
Hac un usuiller var e valeur
En deus-en enfermet en e bres;
M'en dalc'h eno betec ar maro,
Ma quittas an usulier e vro;
Allas! o re garet an arc'hant
Eo bet ét an ty oc'h an traou.

KIMMIAD ETRE DAOU ZEN YAOUANC.

Occupi a ran va speret eun nebendie amzer,
O tont da rima eur chanson ha d'he expliqua scler,
Var sujet daou zen yaouanc hac en em garie parfet
Aboue ho bugaleach e voant oc'h en em zarempret.

Dont a reont ho daou da formi eur bromesse,
N'eus fors petra e glevjent an eil eus egnuile,
Da veza victorius var ho ennemiet
Hep caoz na concluzion da denna d'ar billet.

Mes siouaz ! hennes zo bet ho ennemi mortel,
Digouet eo bet gantan eun numero izel ;
Pevar var nuguent en deuz, soudard en assuranc,
Ober a rei eur c'honje e trouplou roue a Franç.

Cetu ar femellen en desolation,
Glac'haret hac annuiet ha rannet he c'halon ;
Gant ar c'heuz d'he servicher ec'h annonç ar c'helou,
Hac e clever ober cont euz an numero.

Ar sul araog ma parti an den yaouanc,
Eun devez goude he lein da di he vestres coant,
Ha trist evel ar maro, o tont d'he zaludi,
Ranna a ra ho c'halon o tont da zepari.

— Debonjour deoc'h, va mestres ar muia caret,
Ar zonch em boa e vijemp er bed-mâ unisset,
Abalamour da Zoue, roit consolation
Da eur galon languissant amarret er prison.

— Dont a rafen d'ho consoli, emezi, va mignon quer,
Hac e za va oll vad d'ho lemel euz ar viser ;
N'oun quet evit ho rançoni demeus a guement-se,
Ret eo oboissa pa gommand ar roue.

— Aça eta, va mestres, avis e c'houlennan,
Da c'houde penos da ober quen evit partian ;
Quent evit partial e prenfec'h eur voalen,
Evit rei d'in e secret hep na ouife den.

— Ar c'haera hac ar guella euz va mouchouerou
A roin-me deoc'h, den yaouanc, da vont er mes ho pro ;
Pa ho pezo eur moment amzer evit dont da zellet,
E teuo deoc'h da zonzj euz ho muia caret.

— Varc'hoaz, da zec heur hanter, me a erruo ama,
Hac etre diou ha teir heur e rançion partia,
Da vid ar mouchouer e poa din prometet,
Da zigas deoc'h ar voalen em boa deoc'h prometet.

Cre e vije ar galon an hini na ouelje,
O velet an daou zen yaouanc d'al lun araog creiz de ;
An hini a velje anezo oc'h ober ho c'himiad,
Straca a re ho c'halon o tont d'en em guitad.

— Ia, me a voa bet magnet gant va mam ha va zad,
O tont d'ho diouëret, em beus bet calounad ;
Mes non pas evel houman, va mestrezic fidel,
Ma na deuit d'am c'honsoli, me a zo prest da vervel.

— Hac e cafen mab eur prinç, evel ne gavin quet,
Biquen da zen ne vezin demezet ;
Biquen va guer da zen na roin da zemezi,
Quen na vezit arruet evit va eureuji.

— Ober a rin va c'honje hep beza enouet,
Mar bezit fidel d'ar pes a brometet :
Hep scriva d'ar ressort da droubli hor chaden,
E vezomp unisset ma retornan biquen.

En instant ha ma posin, me scrivo eul lizer,
Da zigas d'ho consoli, va mignounezic quer :
C'houi ho pezo ar vadelez da zont d'he denna,
Ha da laquât lenn secret ar pez a vezo varna.

— Gant cals a blijadur hag a gontantantant,
Pa glevin e vezo arru, me ielo en eun instant,
Da laquât lenn secret ar pez a vezo varnezau,
Ha da gas deoc'h respont, mar goulennit outan.

An hini en deuz great ar son-mâ ne quet c'hoas savant,
Oajet eo a bevarzec mis en tu all a bevar c'hant,
Hanvet Guillom ar Guyader, dre ar scrid e peb sin,
A zo ganet ha magnet e quar Plestin ;

Hac en deus he c'huitet evit en em avanç,
Ha bremâ ez e residant er guer a Recouvrans.

FIN.